

Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tribunal Conscientiæ Per Varias
Examinis Industrias seipsam dijudicantis, Tendentibus ad perfectionem,
præsertim Religiosis accommodatum

Družbicki, Kaspar

Ingolstadii, 1732

VD18 90066413

Industria I. De Examine Conscientiæ gernerali, deque usu illius ex doctrina
S. Ignatii, Fundatoris Societatis Jesu.

urn:nbn:de:hbz:466:1-45441

G: DIR.
BICKEL
OPER: 128.
TOM L 15
N: V
58

Industriae

- 4.
2. Ex parte sui ipsius.
3. Ex parte aliorum.
4. Ex parte Examinis ipsius,
Ratio Examinis super ea quæ homo spiritualis in
ordinaria prosequi, & facere debet.
1. Ex parte DEI.
2. Ex parte sui ipsius.
3. Ex parte aliorum.

INDUSTRIAL

*De Examine Conscientiae generali, deque usu illius,
ex doctrina S. IGNATII Fundatoris Societatis JESU.*

Non possum ullo modo committere, quin Examinis Industriam Primam, à Sanctissimo Fundatore Societatis JESU conscriptam, & traditam, hoc loco, aliis omnibus præmittam, non tantum ideo, quia est tanti viri inventum, sed etiam quia est omniumiliarum de Examine adferendarum Industriarum fundamentum ac norma, ita ut omnes quæ sequentur, sint quodammodo ejus, & partes, & imitationes. Sanctus igitur IGNATIUS in libello Exercitorum spiritualium, à Sede Apostolica approbato, per Bullam Pauli III. quæ incipit; *Pastoralis Officii cura &c.* editam Anno 1548. die ultimo Julii. cùm duplex Examen Conscientiae statuisset, Generale unum, Particulare alterum; Generalis Examinis, hunc, quem, ipsius Sancti Verbis, subjungo, modum, quinque particulis seu punctis comprehendit.

I. Pun.

Examinis Conscientie.

I. Punctum est. Domino Deo nostro pro beneficiis gratias agere.

II. Punctum est. Pro cognitione & expulsione peccatorum gratiam flagitare.

III. Punctum est. De admissis præsenti die peccatis rationem ab anima exigere per horas singulas, ex quo surreximus, vestigando, & primò quid circa cogitationem, deinde circa loquelandam, atque operationem.

IV. Punctum est. Poscere veniam de delictis.

V. Punctum est. Proponere cum Dei gratia emendationem, & orationem Dominicam post omnia dicta recitare.

CIRCA hoc S. IGNATII Examen observandum est, illud, Generale ideo vocari, ut à Particulari distinguatur, de quo inferius Industria 2, erit sermo. Particulare quippe contra unum particulare vitium pugnat. Generale autem contra omnia, unde illud tantum uni vitio particulari attinet, hoc omnibus; indeque nomen utriusque datum est. Observandum præterea est illud, quod in prædictis quinque punctis lateant alia, quæ oportet cognoscere & servare. ut e. c. in quarto punto, in quo venia delictorum poscenda præscribitur, latet insuper eorum detestatio, de iis coram Deo confusio, de iis dolor, &c. Ex quo observandum ulterius in Conscientiae examine Generali ferme hæc includi, atque etiam agi posse. 1. est; Agere gratias. 2. Lumen à Deo petere. 3. Peccata commissa, cogitatione, verbo, opere, omissione vestigare. 4. Eorum occasiones, radices, causas indagare. 5. Ea detestari. 6. De iis confundi

A 3.

7. De

7. De iisdem ex animo dolere, atque contemnere.
 8. Emendationem seriam individuamque proponere. 9. Eadem aliqua ratione punire. 10. Veniam postulare. 11. Eadem vitare. 12. Eadem oppositis actibus virtutum frequentatio supplere. Quae omnia si in examine servarentur, aliquantò, quam solet exactius, nullum in nostris mentibus posset esse vitium diurnum, & annosum, atque ita nulla nobis ad perfectionem via esset difficilis, quin immò nulla nobis esset facilior, quam ista examinis.

Observandum præterea ex omnibus examinis Punctis, nullum esse observandum accuratius, quam peccatorum detestationem, de iis confusionem, dolorem, & emendationis propositum. Etsi enim omnia Puncta sint utilia ac necessaria, hoc tamen quod retuli, est omnium utilissimum, & præstantissimum, atque ad annum à vitiis peccatisque liberandum ac purgandum efficacissimum; adeò ut si hoc bene accuratèque fiat, non sit possibili, ut aliquod in nostris mentibus vitium resideat. Atque hic est fons & caput, cur nos, qui, tot in dies Examina facimus quique tam familiarem, nec sanè ut nobis videtur negligentem usum examinis habemus, tantis tamen, tamque diurnis vitiis & vitiorum actibus quotidie obnoxii tenemur: nimirum nulla alia est causa, quam quia in eo, quod jam retuli punto, parum valde operæ ponimus, si enim plus poneremus, profectò omne omnino vitium facillimè procul à nobis amandaremus. Id quod etiam observare licet in confessione peccatorum, ad quam dum accedere meditamus, præsertim qui id

frequen-
no)
defec-
mori-
mus
& co-
parti-
sito,
usita-
nem
inqui-
conf-
stran-
fiere
que
dati-
cen-
fect-
pro-
ties
rit,
adde-
sua
hoc
deb-
usu-
die,
pius
sing-
tud-
ritu-
cupo-
qua-

G. D. R. 6.
 Bick 2.
 Oper. 625.
 Tom L. 5.
 N. Y.
 58

frequentius, & ferè cum venialibus (uti suppono) facimus, non aliud laboramus, quām ut defectus in confessione exponendos, in memoriam nobis revocentus, aut scripto adnotemus, quibus habitis mox confessarium adimus, & confitemur non præmissa diligentि accurata particularique detestatione, confusione, proposito, nisi forte in contritionis aliqua formula usitata, quo etiam fit, ut statim post confessionem ad eadē vitia defectusque revertamur, fit inquam, ut cum iisdem imperfectionibus quas confessi sumus statim opera nostra & vitam nostram quotidianam transigamus, quod sane non fieret; si illa, quām dixi, specifica particularisque defectuum detestatio confusioque & emendationis propositum fieret. Ea propter maximè censerem cuperemque esse commendatum perfectionis studiosis, & Examine Conscientie ad profectum suum utentibus, hoc quod jam toutes retuli Examinis Punctum. Hoc enim si fuerit, experientur examinis utilitatem maximam, adeò ut nullum sint habituri familiarius in vita sua ad suumque profectum exercitium, quām hoc examinis. Sicuti etiam nullum revera esse deberet familiarius.

Observandum insuper examinis Generalis usum apud aliquos pios homines esse semel in die, apud aliquos bis in die, apud aliquos s̄pius in die, apud aliquos in singulas horas, post singulas quasque actiones. Omnes h̄e consuetudines sunt laudatissimæ, & ab hominibus spiritualis profectus, negotiationisque luciferæ cupidis exercendæ, eā frequentia, quam ratio, quam unctio, quamque spiritualium magistro-

12

cet:

III

rum consilium dictaverit, hic ego nihil definio, aut præscribo hac in re aliud, quæm hoc unicūm. Examen Conscientiæ nunquam inutiliter fieri proinde quotiescumque fiet semper cum utilitate fiet, itaque quoties quis in utilitatem hanc optat, toties Examen faciat, & quantum quis utilitatem examinis optat, cum tanta diligentia examen faciat, facereque confuescat.

INDUSTRIA II.

*De Examine Particulari deque observationibus
in ejus usu.*

Præteritæ de examine Generali Industriæ sub-jungo hanc de examine Particulari, & qui-dem eam quoque desumo ex doctrina ejusdem S. IGNATII Fundatoris Societatis JESU. Ille igitur de hoc genere examinis hæc observat. I. Triplex tempus assignat huic examini!

UNUM Tempus est Matutinum quo debet homo, statim dum à somno surgit, proponere diligentem sui custodiam, circa peccatum, aut virium aliquot particulare, à quo emendari cupit.

ALIUD Tempus est Pomeridianum, in quo petenda est à Deo gratia ut reminisci possit ille, quoties in peccatum istud particulare inciderit, illudque in posterum cavere, deinde priorem faciat discussionem exigens ab anima sua rationem de peccato illo particulari, percurrens singulas à surrectione horas omnes, ad usque præsentem, quoties illud commiserit, totidemque notis

9: Dicitur
Bickell
Opere 125.
Tom L 15
N: V
58